

Bungai Ajat

Ajat lesung

Ajat lesung sebengkah bungai ajat lelaki dikena beperindang sereta ngeluluka penyikar enggau pengering bala bujang berani Iban. Maya ngajat, iya nanggung lesung sambil nitihka rentak tabuh, ngetup lalu manggum lesung nya nunga mua bala mayuh.

Ajat sembah

Ajat sembah ngelaluka penatai pengabang enggau pemesai ngagai sesebengkah pengawa. Iya dikena meri tabi sereta basa ngagai sida.

Ajat lang ngindang

Ajat lang ngindang dikena merindang pengabang. Orang ti ngajat ngeluluka chara burung lang terebai kindang-kindang sebedau nerekam dengah.

Ajat pua kumbu

Ajat pua kumbu sebansa bungai ajat indu. Sida ngajat beraban, megai pua kumbu selambar siku. Ajat tu dikena meri tabi sereta basa ngagai pengabang.